

山東通志

(六)



山東通志卷一百十

典禮志第七

通志七之一

傳曰安上治民莫善於禮禮之爲用大矣伊古帝王明禮昭格懷柔百神以至觀東后封泰山郊望之事宗廟百官之制詳已魯爲秉禮之邦今東方郡縣其遺墟也黃帝明堂之圖雲陽少昊之陵曲阜大庭之庫典章存焉班孟堅有言六經之道同歸而禮樂之用爲急我

朝治定制禮凡壇壝祠廟之設有通祀有專祀有方祀載在

會典達於各省下至鄉閭之間歲時伏臘順時應宜有其舉之

莫敢廢也茲以典禮之行於山東者有闕里釋奠講書

時巡泰嶽遣官祭告之禮皆特書以重要典其他慶賀受朔迎春

耕結救護講約鄉飲酒之禮以及祀典所在祠宇則詳其節

文與其器數而以禮器樂制樂章附焉敘典禮志

闕里釋奠

洙泗之間聖蹟所寄自古帝王過曲阜見聖人車服禮器咸

致敬焉漢高帝十二年過魯以太牢祀孔子其後明帝章帝

安帝幸臨東邦皆躬修祀事魏世祖孝文帝唐高宗元宗後

周太祖宋眞宗或醇酒林藹或恭謁廟堂史不絕書禮文猶

可考證我

朝重道尊師超軼前代

聖祖仁皇帝

高宗純皇帝巡方

幸魯昭廟吉蠲

親御講堂闡明經義禮至隆也舊志載闕里門今遺

大清通禮節文暨

幸魯盛典紀載謹述

列聖幸魯釋奠講書祇謁

孔林之禮爲一編而致祭

少昊與

周公

孟廟禮文附焉

闕里釋奠禮

大清通禮載

皇帝東巡詣

闕里

觀釋奠

先師孔子之禮豫期衍聖公率博士潔掃

大成殿內外分獻官扈從王公文官郎中武官參領以上地方

文官知府武官副將以上衍聖公暨十三氏五經博士咸與

祭先一日

皇帝適齋與祭百官畢齋太常寺官具祝版送內閣中書舍人敬

繕祝文翰林院撰於版大學士一人公服恭書

御名以授太常寺官豫奉陳於殿內如儀

右具祝版

是日昧爽光祿寺卿一人祗割牲守土官於祭所

神廚設香案光祿寺卿公服上香宰人牽牲告牖遂及守土官

祗宰瘞毛血如儀

右祗割牲

祭之前夕工部官張大次於奎文閣前夜分太常寺卿率屬

入

廟陳樂縣於殿階上陳文德之舞六佾於樂縣之次遂及守土官

詣

大成殿

崇聖祠暨前後兩廡供具陳設器數

先師位前牛一羊一豕一豎一簋二簋二盞二盞十豆十盞一鐙

二

四配位前各羊一豕一銅二簋二盞二盞八豆八盞一鐙二

十二哲位前銅一簋一盞一盞四豆四東西各羊一豕一鐙一

鐙二殿中設一案少西北向供祝版其南東設一案西向陳

禮神制帛九白色香盤四尊三爵二十有七西設一案東向陳

禮神制帛八白色香盤三尊二爵二十有四凡牲陳於俎凡帛

正位

四配異饌

十二哲東西共饌凡尊實酒承以舟疏布幕勺具

東廡二位同案每位爵一實酒每案簋一盞一盞四豆四

先賢案前羊二豕二香案一鐙一鐙二

先儒案前羊一豕二香案一鐙一鐙二設案一於南北向陳禮

神制帛二白色香盤二尊三虛爵六俎饌幕勺具

西廡陳設同

崇聖祠

正位前各羊一豕一銅二簋各二盞豆各八盞一鐙二

配位前簋一盞一盞四豆四東西各羊一豕一鐙二中設一

案少西供祝版東設一案陳禮神制帛五白色香盤五尊四爵

十有五西設一案陳禮神制帛四白色香盤四尊三爵十有二

兩廡東二案西一案每位爵一實酒每案陳設簋盞邊豆羊

豕鐙鐙如配位之數各南設一案陳禮神制帛一白色香盤一

尊一虛爵三俎饌幕勺皆具饗儀衛官設洗於大次之外樂

部率太常寺協律郎設中和韶樂於殿外兩階金鐃鐘一編

鐘十有六在東玉特磬一編磬十有六在西皆縣以虞業東

應鼓一祝一麾一西敵一東西分列琴瑟四簫六簫六阮

四排簫二塤二笙六搏拊二旌二羽籥三十有六太常寺官

設洗於

崇聖祠階下之東如式

右陳設

辨行禮位

皇帝拜位在

大成殿內正中北向武備院官司拜褥一人立於拜位之左分

獻官位杏壇下陪祀王公位杏壇上文官位庭左直東階下



武官位庭右直西階下地方官以其班列於朝官之次衍聖公位東朝官之首五經博士位東朝官之末均北面辨執事位太常寺司祝一人立祝案西東面司香四人司帛四人司爵九人立東案之東西面司香三人司帛三人司爵八人立西案之西東面侍儀禮部尙書一人或侍郎都察院左都御史一人或副都御史樂部典樂一人分立東西案之南東西面太常寺典儀一人立殿左門外西面司樂協律郎樂工歌工文德之舞六份於階上樂縣東西序立記注官四人於西階下序立糾儀御史禮部祠祭司官各二人引禮鴻臚寺官四人分立王公百官拜位之次掌燎官率燎人立於燎鑪之隅兩廡司香司帛司爵東西各二人序立南案之南均北面承祭

崇聖祠官

王位階上大學士以下兩廡博士分獻位階下分獻

官拜位在承祭官後讀祝拜位在殿中門檻內均北面太常寺司祝典儀掌燎各一人正殿司香九人司帛九人司爵九人兩廡司香司帛司爵每案各一人立位與前儀同

右辨位

將事之日守土大吏率屬治道清蹕鑾儀衛陳

騎駕鹵簿於

行宮門外領侍衛內大臣及內大臣勒所部翊衛官護軍統領

宗人府王公勒所部後管官均采服於

行宮門外祇候不陪祭扈從官序列

行宮門前候

駕出跪送屆時太常寺卿赴

行宮奏請

皇帝龍袍宸服乘輿出宮前引後扈如常儀

右鑾輿出行宮

駕將至衍聖公率十三氏五經博士及不陪祭之守土官序立

廟門前道左跪迎鴻臚寺官引陪祭王公序立於奎文閣前內外

各官文由束金聲門入武由西玉振門入序立於庭內左右

均東西面太常寺贊禮郎引分獻官序立於玉振門外執事

官祿入殿庭就位均采服

駕至由

廟中門入至同文門奎文閣前降輿右贊引左對引太常寺卿二

人恭導

皇帝入大次少賡太常寺卿奏請行禮

皇帝出次盥鑾儀衛官跪奉盥奉巾如儀司拜褥官豫布拜褥於

大成殿門內正中贊引對引官恭導

皇帝自奎文閣步入

大成門中門升中階詣殿中拜位前北向立內大臣侍衛止立

階下後扈大臣隨侍王公於侍衛後隨入由東西階升詣杏

壇上分獻官入玉振門詣杏壇下衍聖公率五經博士入金

聲門及百官就拜位均北面東西序立東班西上西班東上

典儀贊執事官各共通職贊引奏就位

皇帝就位立

典儀贊迎

神司樂贊舉迎

神樂奏昭平之章辭曰大哉

至聖德盛道隆生民未有百王是崇典則昭垂式茲辟雍載虔

篳載嚴鼓鐘協律郎舉麾工鼓祝樂作贊引奏就上香位及

對引官恭導

皇帝詣

先師香案前對引官至祝案前止立司香跪進香贊引奏上香

皇帝上炷香三上瓣香畢奏復位及對引官恭導

皇帝復位贊禮郎引正殿分獻官進至

四配

十二哲位前兩廡分獻官各詣

先賢

先儒位前上香畢復位贊引奏跪拜興

皇帝行三跪九拜禮興王公百官均隨行禮協律郎偃麾工夏鼓

樂止凡樂以畢禮鼓祝作以偃麾夏鼓止後作

右迎

神

典儀贊奠帛爵行初獻禮司樂贊舉初獻樂奏宣平之章辭

曰覺我生民陶鑄寶聖巍巍泰山實予景行禮備樂和豆籩

嘉靖既述六經爰斟三正樂作司樂舉節舞羽籥之舞凡節舞

領之導引有司揭尊罍勺挹酒實爵司帛一人奉篚司爵一  
進退後同人奉爵以次詣

先師位前司帛跪獻篚奠於案三叩興司爵獻爵奠於塾中皆退

左右司帛奉篚司爵奉爵進至

四配

十二哲位前兩廡司帛奉篚司爵由南案前奉爵各詣

先賢

先儒位前奠帛獻爵如儀畢皆退復位司祝至祝案前跪三叩

奉祝版跪案左樂暫止贊引奏跪

皇帝跪羣臣皆跪贊讀祝司祝讀祝讀畢興奉祝版跪安

先師位前篚內三叩興退樂作贊引奏拜興

皇帝率羣臣行三拜禮興樂止

右初獻

典儀贊行亞獻禮司樂贊舉亞獻樂奏秩平之章辭曰至哉

聖師克明明德木鐸萬年惟民之則清酒既醑言觀秉耒太和常

流英材斯植樂作初獻同司爵奉爵詣

先師位前恭獻於左

四配

十二哲兩廡隨分獻如初樂止

右亞獻

典儀贊行終獻禮司樂贊舉終獻樂奏敘平之章辭曰猗歟

秦王示千物軌矐之在前師表萬祀酌彼金罍我酒惟旨登獻

終弗遇有喜樂作同司爵奉爵詣

先師位前恭獻於右

四配

十二哲兩廡均隨分獻如亞獻俟樂止文德之舞退

右終獻

典儀贊徹饌司樂贊舉徹饌樂奏懿平之章辭曰豐水淵淵

芹芳藻潔既歆

至聖亦儀前哲聲金振玉告茲將徹饌假有成日月昭揭樂作徹

舉樂止

右徹饌

典儀贊送

神司樂贊舉送

神樂奏德平之章辭曰煌煌辟雍四方來宗甄陶樂育多士景從

如土斯埴如金在鎔佐予敷治俗美時雍樂作贊引奏跪拜

興

皇帝率羣臣行二跪六拜禮興樂暫止

右送

神

典儀贊奉祝帛饌送燎司祝司帛詣

先師位前成跪三叩司祝奉祝司帛奉饌興司香酌奉香司爵跪

奉饌興以次由中道出恭送燎所

皇帝轉立拜位東旁西向

微拜 俟祝帛過仍布拜禮

皇帝復位立

四配

十二哲兩廡香帛饌均送燎燎太常寺贊禮郎引分獻官退鴻

臚寺官引陪祀王公百官退立拜位東西樂作贊引奏禮成

贊對引官恭導

皇帝仍由大成門中門出升興樂止

右禮成

崇聖祠同時遣官致祭贊引太常寺贊禮郎引承祭官入祠垣

左門引分獻官隨入承祭官詣階下盥手典儀贊執事官各

司其事贊禮郎贊迎就位引承祭官分獻官就位立典儀贊

神司香奉香盤就各香案前立贊引官贊就上香位引承祭官升

東階入殿左門贊詣

肇聖王位前贊跪承祭官跪行一叩禮興贊上香司香跪奉香承

祭官上炷香三上瓣香跪行一叩禮興不次詣左右

正位前跪上香儀同降階復位贊禮郎引分獻官升東西階入殿

左右門分詣

配位前跪上香如儀降階復位引兩廡分獻官分詣兩廡

從位前跪上香復位均如前儀贊禮郎贊跪叩興承祭官分獻

官行三跪九叩禮興典儀贊興帛爵行初獻禮贊禮郎引承

祭官升階贊詣中案前贊跪承祭官跪行一叩禮興司帛跪

奉饌承祭官受饌拱舉奠於案司爵跪奉爵承祭官受爵拱

舉奠於塾中跪行一叩禮興不以次詣左右案前跪奠帛獻

爵僕同贊禮耶贊就讀祝位引承祭官詣拜位立司祝至祝案前跪三叩奉祝版跪案左贊跪承祭官分獻官皆跪贊讀祝司祝讀祝讀畢興奉祝版跪安

肇聖王位前饌內三叩興退贊禮耶贊叩興承祭官分獻官行三叩禮位贊復位引承祭官出降階復位贊禮耶引正殿分獻官升東西階入殿左右門詣

配位前引兩廡分獻官分詣兩

從位前跪奠帛獻爵興復位均如正獻儀亞獻各獻爵於左終獻各獻爵於右均如初儀典儀贊徹饌有司徹饌畢贊送

神贊禮耶贊跪叩興承祭官分獻官行三跪九叩禮興典儀贊奉祝帛饌送燎司祝司帛司爵各奉祝帛香饌以次恭送燎位如儀承祭官避立西旁候過復位贊禮耶引詣燎所祗燎贊禮畢仍由祠垣左門出各退

右

崇聖祠祭儀

致祭禮成贊引對引恭導

皇帝出殿門降中階至奎文閣前乘輿詣詩禮堂講書

闕里講書禮

前期禮部具奏

命行在大臣會衍聖公選聖裔賢裔二人充經書直講其應用篇目由大學士奏請

欽定交翰林院撰擬講章豫進

御覽

欽定恭繕以竣

右戒辦

屆期工部官張大次於奎文閣前張

御帳設

寶座於詩禮堂正中南向武備院供

御帳鋪陳鴻臚寺官於

御帳前設經書案堂東設勅案均東西肆設講案於西檐下南北

肆是日黎明內閣中書奉

勅陳堂內東案翰林院官奉

御覽講章陳於帳前中案奉進講副本陳於講案皆書左經右畢退

右陳設

辨班位記注官立堂內西柱下東面大學士一人立東檐下宣勅官一人立大學士後皆西面鴻臚寺卿二人鳴贊二人立東西階上東西面序班二人立於庭西執事官一人立序班之下均東面

右序位

皇帝設奠

先師禮畢出同文門至奎文閣前就大次少憩扈從大學士以下京堂科道以上守土官巡撫司道於承聖門左以次序立衍聖公率東野氏孔氏顏氏曾氏孟氏閔氏冉氏端木氏仲氏

言氏卜氏有氏顯孫氏五經博士及直講官於門右以次序立禮部尙書奏請

皇帝詣詩禮堂行講書禮

皇帝出大次乘輿前引後扈如常儀至承聖門外各官跪迎候過興隨入門內左右序立如初司道官候於門外

皇帝至詩禮堂前降輿

御寶座禮部尙書侍郎前引內大臣止立門外侍衛夾東西階下翼立後扈內大臣於

御座兩旁侍立記注官升西階入右門就位大學士升東階立東檐下執事官咸入就位鳴贊贊齊班序班引衍聖公以下就庭西拜位北面立贊跪叩興行三跪九叩禮興贊講書直講一人出班升西階詣講案前跪三叩興就案西東面講四子書畢降階復位次直講一人出班升階講經如講書之儀

右進講

鴻臚寺卿進至中門之左奏宣

勅鳴贊贊跪衍聖公以下皆跪大學士入左門就案奉

勅出堂中門授宣勅官奉至階前西面宣

勅曰至聖之道與日月並行與天地同運萬世帝王咸所師法下逮公卿士庶罔不率由爾等遠承聖澤世守家傳務期型仁講義履中蹈和存忠恕以立心敦孝弟以修行斯須弗去以奉先訓以稱朕懷爾等其祗遵母督宣畢奉

勅降中階左西面授衍聖公衍聖公恭受執事官趨進跪奉以興

退贊叩興衍聖公率博士以下謝

恩行三跪九叩禮興豫豫往毓粹門外祇候各官咸出禮部奏禮成

右詩禮堂講書禮成

是日工部官豫張大次於毓粹門內光祿寺官設一案於孔林露臺正中設奠池於案上武備院官設拜褥於奠案之前

皇帝講書畢祇謁

孔林衍聖公率十三氏五經博士及不陪祀之守土官於毓粹門外道左候

駕出跪送

皇帝由承聖門出詣大次更常服少蹏步出毓粹門乘輿前導後扈如常儀扈從王公以下三品文武官以上豫往享堂垣門外序立衍聖公率孔氏子孫通仕籍者及不陪祀之守土官均常服豫往觀禮門道左候

駕至跪迎

駕至

孔林大門外內大臣侍衛咸下馬導從過洙水橋至享堂垣門前降輿禮部尙書侍郎恭導

皇帝由中門入升中階詣露臺拜位後扈大臣隨侍奉爵內大臣一人立於左內務府官司奉壺司爵奉爵立內大臣之下鴻臚寺官引王公百官隨自左右門入王公夾階下左右文武大臣侍衛於庭中左右立衍聖公及族人陪位如在

廟之序



皇帝跪王公以下皆跪司壺舉壺酌酒司爵以爵承酒授內大臣

內大臣自左奉爵跪恭進

皇帝與少退立

皇帝拱舉爵酒奠池內大臣跪受虛爵與退

皇帝行一拜禮羣臣隨行禮再爵三爵酌酒進酒

皇帝率羣臣各行一拜禮均如初興內大臣及執壺爵者退鴻臚

寺官豫引王公大臣侍衛於享堂垣門外之東序立衍聖公

率其族暨不陪祭守土官仍於觀樓門道左祇候

駕出跪接禮部尙書侍郎恭導

皇帝降中階出中門乘輿還

行宮不陪祭扈從官跪迎如來儀

右謁

孔林以上禮大

幸魯盛典紀載

康熙二十三年

聖祖仁皇帝東巡秋九月二十四日丁亥

車駕發自京師衍聖公孔毓圻率五經博士孔毓埏等迎

駕至齊河

諭衍聖公孔毓圻歸待於境

遣太常寺寺丞張量馨鴻臚寺鳴贊給布繡香帛至闕里飭執事

有司演習禮樂并備國學所用樂舞袍服以往十一月十二

日癸酉

乘輿自南還十六日丁丑

駕至費縣

遣翰林院掌院學士常書侍讀學士朱瑀泰至曲阜會同衍聖公

孔毓圻於孔氏子弟內選舉講書二人令撰次應講經書講

義

進呈孔毓圻舉監生孔尙任舉人孔尙鉉應

詔講書

駕自費縣至泗水東境經泉林寺

駐蹕觀泉久之十七日戊寅

幸曲阜衍聖公孔毓圻率博士孔毓埏等諸職官及其族人五氏

子孫年十六以上山東巡撫張鵬率司道以下及本處守令

屬員登州總兵官林宗率沂州協守都督僉事霍維鼎等於

東郊跪迎

駕至南城

行宮

駐蹕是日夜分禮部太常寺鴻臚寺官會集廟庭庀其執事比其

位次申戒所司省牲幣祗滌濯陳設祭器祭品展樂縣整舞

列張

御帳置

講筵於詩禮堂令進講者肄習進講儀節其執事官贊引內閣學

士席爾達對引太常寺卿葛思泰典儀太常寺讀祝官張達

唱樂太常寺贊禮郎法山辭祝文鴻臚寺少卿和西奉

御拜辭太常寺贊禮郎沙拜獻

孔子位帛太常寺典簿穆察獻府太常寺贊禮郎韓布顏子位分獻內閣學士麻爾圖導引太常寺寺丞張量馨獻帛欽天監博士三保獻府聖廟司樂王國光曾子位分獻翰林院學士常書導引太常寺贊禮郎華善獻帛國子監助教費揚古獻府聖廟典籍石琚子思子位分獻都察院副都御史孫果導引太常寺贊禮郎常祿獻帛禮部員外郎郭世隆獻府四氏學教授沙潢孟子位分獻翰林院學士孫在豐導引太常寺七品筆帖式察爾器獻帛國子監助教愚雅圖獻府聖廟管勾王自莊束哲閔子等五位分獻內閣侍讀學士徐廷璽導引太常寺七品筆帖式金泰獻帛禮部七品筆帖式朱魯獻府禮部郎中觀音保西哲冉子等五位分獻翰林院侍讀學士朱瑪泰導引太常寺七品筆帖式羅奇獻帛禮部七品筆帖式佛保獻府欽天監筆帖式李聞東應分獻太僕寺少卿楊舒導引太常寺八品筆帖式碩塞獻帛候選縣丞王自泰獻府候選州同桂枝茂西廡分獻欽天監監正安泰導引禮部員外郎哈爾吉布獻帛候選縣丞王永祿獻府曲阜監生張宏翼捧舉饌盤數帛禮部八品筆帖式雅爾布盥洗贊禮生趙承璧李榮先十八日己卯味爽禮部乃至

行宮奏請

皇上詣

先師廟行釋奠禮樂奏咸和甯和安和景和之曲

今改

遣國子監祭酒阿禮瑚祭

崇聖祠釋奠禮畢禮部奏請

御講筵

上由奎文閣東入承聖門步升詩禮堂

御幄升座鴻臚寺卿穆成格少卿何璽引大學士明珠王熙等官二十員於左翼排立衍聖公孔毓圻引翰林院世襲五經博士孔毓埏等及講書舉人孔尚鉉監生孔尚任等官四十六員於右翼排立

詔以兗州府知府張鵬翮為官清正傳入聽講監生孔尚任進講

大學聖經首節舉人孔尚鉉進講易經繫辭首節講畢退下

階歸右翼班次鴻臚寺官奏請宣

勅衍聖公孔毓圻率五氏有職及講書人員俱跪大學士王熙宣

勅衍聖公孔毓圻率五氏子孫謝

恩禮部奏請

駕還行宮

諭曰朕初至闕里祀典既成意欲徧覽

先師遺蹟著衍聖公孔毓圻山東巡撫張鵬口北道孔興洪講書

官孔尚任孔尚鉉等引

駕於是

駕由承聖門出復入大成門登

大成殿

親詣

先師神座前

命侍衛啟帷拂塵肅瞻塑像

顧問衍聖公孔毓圻曰此像造於何年毓圻奏曰相傳東魏興和

三年兗州刺史李瑳始塑

聖像以次

觀顏子曾子子思子孟子像

視禮器有犧象雲雷三罍

問何代法物毓圻奏曰漢章帝元和二年親祀闕里所留祭器

觀石刻吳道子畫魯司寇像出殿北屏過寢廟至聖蹟殿周覽圖

畫石刻及憑几像行教小影立像行像諸石刻

顧問衍聖公孔毓圻曰何像最真毓圻奏曰惟行教小影顏子從

行者爲最真乃當年端木賜傳寫晉顧凱之重摹者

上爲拂拭凝視遂由左階出

上問西偏是何處毓圻奏曰前爲金絲堂後爲

啟聖公叔梁父祠

上斂容駐望久之復南入

大成殿北屏至殿前左屏南向立

召孔氏及五氏子孫有頂戴者皆入跪階上

上諭曰至聖之德與天地日月同其高明廣大無可指稱朕向來

研求經義體思至道欲加贊頌莫能名言特書萬世師表四字

懸額殿中非云闕揚

聖教亦以垂示將來隨

命侍衛捧出卷軸展開

御書萬世師表四字羣臣歡欣踴躍同聲頌揚衍聖公孔毓圻跪

接捧安

神座前復

命大學士明珠宣

諭曰歷代帝王致祀闕里或留金銀器皿朕今親詣行禮務極尊

崇

至聖異於前代所有曲柄黃蓋留之廟中以示朕尊聖之意

諭畢

命以御前常用黃繖留供廟庭四時饗祀陳之五經博士孔毓圻

起接恭置殿中衍聖公孔毓圻率五氏職官及陪祀聽講人

等叩頭謝羣臣皆呼

萬歲

上出殿至階上

問

大成殿勝衍聖公孔毓圻奏曰此勝宋徽宗御書飛白字也

上撫視盤螭石柱移時始下階至杏壇毓圻奏曰此

先聖講道之所

上覽金臣黨懷英篆杏壇二字碑

上步下杏壇玩壇前石鐫龍爐毓圻奏曰此金章宗時巧工所製

上覽宋臣米芾所書檜樹贊碑及宋眞宗君臣所製孔子與七十

二弟子贊

上前至大成門左觀

先師手植桧

問此樹未朽何以無枝毓圻奏曰自故明弘治十二年廟燬於火御贊殿大成門俱被焚桧在門殿之間經火枝葉盡脫孤幹獨存今又二百年矣不枯不榮其堅如鐵色亦如之俗呼爲鐵樹

上命侍衛入欄撫摩良久稱其神異

駕出大成門

問漢碑所在毓圻奏曰漢碑在奎文閣前因引

駕過唐碑亭觀唐乾封碑

上嘉賞前至奎文閣衍聖公孔毓圻曰此閣乃藏歷代書籍之所皇上頒賜之書皆謹藏其上

駕由奎文閣西偏門出問永樂弘治碑前至同文門觀門右漢碑

孔尙任奏曰此漢元嘉二年魯相乙瑛始置卒史碑今謂之百戶碑

上問何爲百戶碑尙任奏曰歷代優崇之典於廟庭設官四員典籍以教習禮儀司樂以典司樂舞管勾以經理屯田百戶以守衛廟林謂之禮樂兵農四司

上以次觀漢永壽二年韓勅造禮器碑漢永興二年諸郡史孔謙

碑魏黃初元年宗聖侯孔羨碑又於門左觀漢建甯二年史

晨祀廟碑漢永壽三年韓勅修墓碑及漢泰山都尉孔宙博

陵太守孔彪墓碑

駕自同文門回

闕洪武永樂碑畢復由奎文閣東偏門入

觀宋金元修廟碑行數武

問廟基廣闊何處是

先師故宅孔毓圻奏曰

皇上所御講筵之後有魯壁遺址乃

先師燕居之所

駕復入承聖門

觀堂前太初石唐槐及銀杏樹由中階升詩禮堂

御座孔毓圻奏曰此當日夫子獨立伯魚過庭得聞詩禮之處又

於堂後

觀孔宅遺井憑欄歎羨孔毓圻奏曰此祖當年所飲之井也

上命汲水嘗之又

問魯壁遺址毓圻奏曰昔秦始皇焚詩書臣九世祖孔鮒預藏

尙書論語孝經諸書壁中至漢魯恭王欲毀臣祖故宅以廣

其宮閣壁中有金石絲竹之聲發之得竹簡古文故後世名

其堂曰金絲又登詩禮堂升

御幄孔毓圻等出候承聖門外

御製詣闕里詩

命大學士王照捧出

賜衍聖公孔毓圻毓圻等跪接展讀畢咸叩頭謝

恩



聖駕出承聖門大學士王<sub>熙宜</sub>

諭曰

聖駕即日幸

孔林仍著衍聖公孔毓圻及口北道孔興洪講書官孔尙鉉孔

尙任引

駕於是

上由毓粹門出

御涼輦南薄前導東過鼓樓北從陋巷街出曲阜城北門前行一

里至

聖林門

命從臣皆下馬又半里入觀樓門衍聖公孔毓圻等跪迎道左

駕至洙水橋即

命降輦毓圻奏曰此去

先師墓尙遠又引

駕前至墓門

上降輦步入詣

先師墓前北面跪大學士明珠捧金碗酒

上三爵酒行三叩頭禮恭親王及諸大臣衍聖公孔毓圻等皆陪

位行禮

上瞻仰墓碑

問墓上是何草木毓圻奏曰孔林草木皆當年羣弟子各自其

國徒植種類繁多不能悉辨其最著者楷木著草二種

問楷木何所用之毓圻奏曰楷木可爲杖又可爲棋其萌可爲  
蔬又可爲茶其櫻可爲瓢其子榨油可爲膏燭又

問有著草否取來朕看毓圻自墓側取著草一莖進呈

御覽

上曰大衍之數五十其用四十有九著草一叢五十莖者以筮方

藏今果有否毓圻奏曰林中雖多著草其叢生五十莖者謂

之瑞草不能常有今

變輿經過瑞草必生有則臣即馳進

駕由聖墓西偏至先賢端木賜廬墓處過宋貞宗駐蹕亭徘徊良

久

命侍衛登高遠眺

上見樹上蔓草親摘一葉

問此草何名毓圻奏曰此名文章冬夏不凋根葉花實具五色

五味

駕至楷亭毓圻奏曰此端木賜手植楷木枯而不朽又

問其著草生地上者可更覓一觀毓圻遂引

駕至楷亭之西岡隴崎嶇蓁莽深密披叢指奏曰此卽著草

上親摘一莖玩其枝幹又採子盈掬辨其氣味曰細嗅之亦有異

香

上遂採三株付近侍攜歸又

問此大樹爲何木毓圻奏曰此皆橡樹

上笑曰日本名檲樹也

上瞻眺過午出享殿至階下南面立衍聖公孔毓圻等叩頭奏謝  
上觀亭前石儀翁仲華表角端文豹復於墓前立東望

問是何所毓圻奏曰臣家春秋祭掃族姓燕會之所名曰思堂  
上入思堂周覽宋元題名記在堂中南向坐頃之步出思堂升輦

山林門即西發

幸兗州衍聖公孔毓圻等跪送道左如禮

祭周公廟禮

康熙二十三年

諭周公古大聖人制禮作樂垂示萬世今廟在曲阜應行致祭事

關大典大學士會同禮部翰林院詳議具奏欽此遵

旨議准道統之傳上自堯舜至於周孔今

躬祀闕里復

命致祭

周公廟廷禮儀隆盛洵爲萬世章程應令該衙門撰擬祭文遣

官致祭奉

旨致祭周公禮宜隆重其遣親王及禮部尚書偕往以示朕尊崇

先聖之意是日

御製祭文遣官齋往致祭又題准致祭

元聖周公祝版用白紙黃綠墨書祭用禮神制帛一羊一豕一

果五盤尊一爵三香帛爵由太常寺祭品牲醴由地方官備

辦祭日讀祝文奠帛爵行三獻禮二十六年奏准

御書周公廟碑文亦照

文廟如式恭摹勒諸貞珉

皇子告祭禮

康熙三十二年秋八月和碩誠親王允祉奉

詔告祭闕里

聖廟祭日辰時

皇子穿蟒袍補服至大門外下馬處贊引官引

皇子從東邊門入至盥洗處贊引官唱盥手盥畢贊引官引至

臺階上行禮處立典儀官唱樂舞生就位執事官各司其事

贊引官贊就位

皇子就位立典儀官唱迎神樂官唱迎神樂奏咸平之曲唱

畢奏樂樂畢贊引官贊跪叩興

皇子行三跪九拜禮興典儀官唱奠帛爵行初獻禮捧香帛爵

官捧舉香帛爵就前向神位立唱樂官唱初獻樂奏需平之

曲唱畢奏樂贊引官贊升壇引

皇子從東邊門入就香案前司香官在香案左跪贊引官贊跪

皇子跪贊上香

皇子將香盒拱舉仍授司香官

皇子立拱舉上炷香又三上瓣香捧帛官跪贊引官贊跪

皇子行一叩禮興贊引官贊獻帛

皇子立接帛拱舉獻於案上贊引官引

皇子至爵案前捧爵官跪贊引官贊獻爵

皇子立接爵拱舉獻於案中間行一叩禮興贊引官贊詣讀祝

位引

皇子詣讀祝位立讀祝官至安祝文案前行三叩禮將祝文捧

舉就案前立樂止贊引官贊跪

皇子跪贊讀祝讀祝官跪讀畢將祝文安於盛帛匱內行三叩

禮退奏樂贊引官贊

皇子行三叩禮贊引官贊復位樂畢典儀官唱行亞獻禮禮

如初獻獻爵於左樂奏安平之曲終獻奏景平之曲禮如初獻獻爵於右典儀官唱徹饌唱樂官唱徹饌樂奏咸平之曲

樂畢典儀官唱送神唱樂官唱送神樂奏咸平之曲贊引官

贊跪叩興

皇子行三跪九拜禮興樂畢典儀官唱捧祝帛饌恭詣燎位捧

祝帛香饌官就前捧祝帛官跪行三叩禮捧香饌官不叩俱

跪捧香饌祝帛出中門詣燎位

皇子至西邊立俟祝帛香饌過

皇子復位立焚祝帛半贊引官贊禮畢引

皇子退

以上幸魯盛典暨舊通志

是日祭告禮成

皇子詣

孔林至洙水橋下馬步至

先師墓前行三跪九拜禮並跪祭酒三爵每祭酒一爵行一拜禮

從官贊衍聖公皆隨行禮

雍正八年重修

闕生

聖廟各工告成請遣官祭告奉

旨遣皇五子及郡王一人往祭奏准

皇子致祭

先師闕里照例具蟒袍補服隨往之大臣侍衛官員地方官衍聖

公五氏子孫有官職者咸陪祀禮成展謁

孔林一應祭祀事宜行禮儀注並執事官均交太常寺辦理又

奏准康熙三十二年告祭

先師闕里未經議及

崇聖祠此次

皇子往祭請遣分祭官於

大成殿致祭之時

崇聖祠亦同時行禮是年

皇子致祭

先師闕里禮儀與康熙三十二年同郡王致祭

崇聖祠與京師

崇聖祠承祭官行禮同

典會

乾隆十二年六月

上諭朕幼誦簡編心儀

先聖一言一動無不奉

聖訓以爲法程御極以來覺世牖民式型至道願學之切如見焚

膺辟雍鐘鼓躬親股肱而未登闕里之堂觀車服禮器心甚歎

焉仰維

皇祖聖祖仁皇帝巡幸東魯親奠孔林盛典傳於奕禩

皇考世宗憲皇帝崇聖加封重新廟貌營遺朕弟和親王恭代展祀  
未以命朕意者其或有待歟朕寅紹丕基撫茲熙治思以來年  
春孟月東巡狩因溯洙泗陟杏壇瞻仰宮牆申景行之夙志

十三年

高宗純皇帝東巡二月戊寅日

幸曲阜先

詣廟拈香衍聖公孔昭煥舉人孔繼汾優貢生孔繼淶同山東巡

撫等官恭導

聖駕至奎文閣前降輦步入大成門升階盥手入殿中上香行三

跪九叩頭禮畢周覽廟中古蹟

聖駕詣行宮翼日己卯

親詣闕里如康熙二十三年

聖祖仁皇帝闕里釋奠之儀

四配

十二哲及兩廡從祀

先賢

先儒

命左都御史劉統勳等各分獻

崇聖祠

遣誠親王允祕行禮

崇聖祠先賢先儒

命侍讀吳爾泰等各分獻禮畢

御詩禮堂講筵舉人孔繼汾進講中庸凡爲天下國家有九經一  
節優貢生孔繼淶進講周易臨卦彖辭隨從諸臣巡撫司道  
衍聖公各博士及十三氏子孫皆入詩禮堂聽講畢

勅大學士傅恒宣

諭衍聖公孔昭煥等曰至聖之道參天地贊化育立人極爲萬世  
師表凡茲後裔派衍支繁當永念先型以期無忝昔我

皇祖東巡時邁闕里特頒

聖諭炳若日星朕仰紹

前徽庋修展謁之禮念爾等令緒相承淵源勿替載申誥諭用示

訓行其務學道敦倫修身慎行克稟

先師之赫訓祇遵

聖祖之誨言弗愧爲聖者子孫朕實嘉予之其欽承勿怠宜畢遂

幸孔林酌酒行一跪三叩頭禮旋

詣少昊陵致祭周公廟拈香

上還行宮

賜十三氏子孫宴

御書門榜聯額懸大成殿詩禮堂及各門又

諭內閣曰康熙二十三年恭遇

聖祖幸魯登崇聖聖曾將曲柄黃蓋留供大成殿今朕親詣闕里

釋奠

先師敬紹

前徵具遵成例其以曲柄黃繖留廟中永光秩祀

上諭衍聖公孔昭煥曰

先師修道立教萬世之人服習聖訓咸有以自善其身况爲其子孫者乎卿以宗裔紹嗣列爵既優崇矣富思淵源何自夙夜敬勉親師向學以植始基慎行謹言以培德器循循詩禮之教異日卓然有所成就允孚令望表率族黨俾當世知聖人之後能守家聲於勿替匪徒章服之榮也已豈不休哉其祇遵罔敷是年

回鑾後衍聖公孔昭煥率族人及各賢裔赴

闕謝

恩

祭少昊陵禮

乾隆十三年

諭上古聖皇神靈天亶道法淵源所自曲阜爲

少昊金天氏舊都有陵在焉朕東巡所歷瞻眺松楸情殷仰止

宜躬親祀事祇薦馨香以展誠敬

是年

高宗純皇帝東巡

親詣曲阜

少昊金天氏陵行禮

御龍袍袞服扈從守土各官咸蟒袍補服陪祀

駕至陵門前降輿由中門入嚮殿會先一日

皇帝率羣臣齋

行在太常寺官具祝版

凡祭事皆在右司禮贊行

送內閣中書舍人敬書

祝文

翰林院隨時撰擬

於版訖授太常寺官豫送祭所是日昧爽光

祿寺卿一人眡割牲守土官於祭所

神廚設香案光祿寺卿公服上香宰人牽牲告牘遂及守土官

眡宰瘞毛血如儀祭之前夕工部官張黃幃於享殿二門內

之左懸儀衛官設洗於幃次及夜分太常寺卿屬率守土官

入享殿具

神位前陳設牛一羊一豕一豎一綳二簋簋各二饔豆各十鍾一

鐙二設案一於享殿中少西北向供祝版設案一於東西向

陳禮神制帛一色香盤一尊一簠勺具爵三設

皇帝拜位於享殿內正中北向司拜禮官二人立於左稍後陪祀

王公位階上百官位階下東西序立重行異等均北面司祝

司香司帛司爵分立祝案尊案之次記注官立西階下東面

糾儀御史禮部祠祭司官引禮鴻臚寺官分立王公百官拜

位左右東西面典儀一人立享殿東檐下西面掌燎官率燎

人立燎鑪之隅祭日漏未盡守土大吏率屬治道清蹕自

行宮至祭所祀掃無令塵揚鑾儀官陳

騎駕處簿於

行宮門外領侍衛內大臣及內大臣勒所部翊衛官護軍統領

宗人府王公勒所部後管官采服分班於

行宮門外祇候不陪祭扈從官序列